

道德玄經原旨

玄經原旨發揮序

彼九

老子自孔子稱曰猶龍莊周尊曰玄聖歷代  
尊行其教上尊號者至矣竊觀由商歷周九  
百餘年三度散闕四掌史職著道德玄經二  
篇橐籥天地玄同有無實一天人之書道堅  
嘗著玄經原旨亦既脫藁思昔觀復謝高士  
所編實錄年譜紀載頗詳然引用年代尚多  
異同久懷考正未能也今採摭皇極元會運  
世參訂經旨輯爲十有二章非敢有作吾猶  
及史之闕文也夫孔子本魯史作春秋始周

平王邵氏本連山著皇極經世書自堯始愚  
之本玄經著原旨復徵古史為發揮故不得  
不自先天始也此書之旨不惟有極以來已  
然之世代可徵而無極以前未然之朕兆庸  
有可推後之有志古始者當有考云大德十  
年中和後二日教門後學當塗杜道堅謹序

玄經原旨發揮卷上

教門後學雷塗杜道 堅著

老聖著玄經以道德名者尊皇道尚帝德也言道德則王伯功力在焉嘗觀康節以老子闡皇極故愚以皇極疏老子同一道也天下惟道理最大老子言道而不言理理其在乎天地古今君臣民物之間各具理氣象數莫不由斯道也皇極經世所以系皇帝王伯道德功力亦不出理氣象數之四端老子曰域中有四大道大天大地

大王亦大愚著原旨發揮十有二章前六章述皇帝王伯道德功力之叙後六章述老子降生授經西遊之畧又豈能外理氣象數而有言耶皆所以明大道也言先天理也言元始氣也開物非象乎數其在矣

教九

二

象數具而人道興焉其始太上其次三五

其次王伯喻以歲則太上春也三五夏也

王伯秋也冬則閉物之後開物之前乎喻

以日則旦而晝晝而暮喻以身則幼而壯

壯而老也惟其會運有不同故其世代有

脩短觀者當自考之

先天章一

先天先天而天者也其虛無自然無極之道  
乎老子曰無名天地之始曰道生一一生二  
是皆形容先天之道可以意會而不可以言

象求也易曰易有太極是生兩儀易太易也  
道也無極也易有太極道生一也一生二太  
極生兩儀也周子則曰太極本無極也文言  
曰先天而天弗違後天而奉天時

右先天之道論議不一有先則必有後有

先後則必有中見諸典籍太極有三以太  
極為中者則極前為先天極後為後天此  
以道言也以伏羲之畫為先天文王之重  
為後天者此以卦言也以一元中分前六  
會為先天後六會為後天此以世言也凡  
天下事事物物莫不各有一先天之道言  
先天則後天在焉以吾身而言有一情未  
動之先有生未生之先以天地而言則  
有天地未分之先同一先天也先天者其  
道乎其存而不論者乎

元始章二

元始一元之始也老子曰有物混成先天地  
生曰天下有始以爲天下母曰能知古始是  
謂道紀易曰大哉乾元萬物資始乾元者始  
而亨者也列子曰天地之先無物無物天地  
安從生曰有太易者太初有太始有太素天  
地之先有五太列子言其四而不言太極其  
曰氣形質具萬物渾淪而未相離言渾淪則  
太極在焉必有神帝者主乎其間易所謂神  
也者妙萬物而爲言故主宰之謂帝是曰元

始國家嚴事祈天求命必齋戒以將之蓋有所祖也堯曰咨爾舜天之歷數在爾躬允執其中故世之言天者必假歷數以明之諸家載籍不同惟邵子皇極經世可法焉其原推本易老之言參之堯典欽若昊天歷象日月

星辰驗諸皇帝王伯道德功力而成其書經以元會運世諱以日月星辰一元十二會一會三十運一運十二世一世三十年一年十一月一月三十日一日十二時一時三十分一分十二秒易與天地準皇極又準於易易

雖不言歷數而曰極其數遂定天下之象者  
歷數在矣皇極之用十二三十者其法以元  
準歲會準月運準日世準時也一世三十年  
一運十二世三百六十年一會三十運一萬  
八百年一元十二會一十二萬九千六百年

故九

而天地萬物一元之數終焉元而上杪而下  
存而不論矣其要以會準月者十二會應十  
二辰也天地之氣始於子終於亥其始一會  
應於子二會應於丑順而十二會則終於亥  
矣終則有始一元而一元此道之所以始乎

無始終乎無終知此則可與造物者游而始。  
得手環中

元經會之一始於太易

太易

日甲一  
星甲一

月子一  
辰子一

太易未見氣也太易

初年之歲月日時俱起甲子歷五千四百年

而有太初

太初

日甲一  
星己十六

月子一  
辰子一百八十一

太初元

氣始萌也又如其年合一萬八百年是爲一  
會大則當一歲之子月小則當一日之子時  
先天無極元始祖氣至此而靜極者動一陽

生焉康節有云冬至子之半天心無改移一  
陽初動處萬物未生時蓋此謂也

元經會之二有太始

太始日甲三十一月辰子三百六十一二太始

氣形始端也五千四百年而有太素

太素日甲四十六月辰子五百四十一二太素

形變有質也又如其年合二萬一千六百年

為二會應一歲之丑月一日之丑時惚恍之

物象窈冥之真精者玄同妙合二陽生矣

元經會之三有太極

太極日甲甲星甲六十一月辰子七百二十一寅三太極

萬物混淪而未相離也所謂存於渾沌未判之先達於氣質成象之表充塞天地貫通古今大造不能外者也五千四百年渾淪肇判陰陽開闢應一歲之寅月朔後之半月一日之寅時寅初之四刻者乾坤成象以清以寧三陽泰而萬物動萌矣

右一元之始歷五太凡二會有半積二萬七千年邵子稱日甲月子於元之始愚於五太稱年者以其有理氣象數具於未然

之中也殆亦畫前之易歟老子曰天下萬物生於有有生於無皇極數起于天地未開闢二會半之先數終于天地已閉物一會半之後亥子丑三會猶歲之冬日之夜謂有物邪則天地玄冥萬物伏藏謂無物邪則窈冥恍惚萬物未嘗不在故曰先天地而始後天地而終終則又變而通矣故述十二會而於元之下俱稱日甲一一而二二而三充此以往巧歷不能知康節著書其元不得不自日甲始又安知不已有

由甲至癸之元乎愚嘗曰今日天地昨日  
天地也明日天地今日天地也知此則康  
節之書可推矣

開物章三

開物天地開闢也言天地萬物咸自此出易

卷九

六

曰有天地然後萬物生焉老子曰道生之德  
畜之物形之勢成之蓋天地萬物具開物之  
先太極剖而形之成之之質著矣其爲道也  
在天曰靈在地曰寶合天地而言夫是之謂  
靈寶

開物星日甲一月辰子九百一三開物之初

當甲子元丙寅會已卯運甲子世甲子年方

是時也天地定位玄黃凝合而玄元始之氣

具三氣混而渾沌氏者出按歷書云渾沌氏

一日盤古氏天地渾淪如鷄子盤古生其中

一日九變神於天聖於地天日高一丈地日

厚一丈盤古日長一丈如此萬八百歲天極

高地極厚盤古極長方盤古之半當元經會

之四

元經會之四

盤古氏日甲一月 辰子一千八十一四 老子

曰神得一以靈其盤古氏爲之初乎以爲呈極  
推之萬八百歲是爲一會之數氤氲化醇具  
太極之全體有聖人之神而未嘗形焉者也  
其生也神靈極天之高極地之厚宰御形氣  
胚腓萬有其死也頭爲五嶽目爲日月脂膏  
爲江海毛髮爲草木然則盤古萬物之祖也  
意盤古之說固近於迂愚嘗讀易至天地定  
位山澤通氣雷風相薄水火不相射一俛仰  
之間盤古未嘗不在大矣哉庖犧氏之畫卦

也乾為天為首南方之卦也坤為地為腹北方之卦也天地定位矣艮為山為鼻見麻衣傳

西北之卦也兌為澤為口東南之卦也山澤

通氣矣震為雷為足東北之卦也巽為風為

手見麻衣傳西南之卦也雷風相薄矣坎為水為

耳西方之卦也離為火為目東方之卦也水

火不相射矣合八卦之象而萬物悉備於我

此人所以為萬物靈也盤古豈遠吾哉即開

物一萬八百年合元始三會有半計三萬七

千八百年盤古氏沒初天皇氏出

○

○

右盤古分形化生萬有老子曰天得一以清地得一以寧神得一以靈谷得一以盈萬物得一以生易曰天尊地卑乾坤定矣卑高以陳貴賤位矣動靜有常剛柔斷矣方以類聚物以群分吉凶生矣在天成象在地成形變化見矣于以見民同胞物同與莫不自盤古一氣中來盤古當元經會三之下四之上以一日喻之當寅卯方交之時曙色未分若天皇氏之世則當卯正之四刻大明東生萬物並作人道興鳥達

渾沌鑿而盤古死所謂陰陽之良能道得之而為秦一天得之而為天一帝得之而為帝一日月星辰之所以著水火土石走飛草木之所以形雨風露雷暑寒晝夜之所以晦明變化森列昭布神而明之按道

世九

八

典有稱龍漢赤明上皇之年當是開物肇始上天之號大有金書曰化生天寶君靈寶君神寶君者此皆自然而然非假胎孕所謂上天之載無聲無臭者也故曰不可思議或謂盤古肇天地祖萬物豈天地萬

物由盤古而分乎曰不然天地萬物皆盤古之先已有無象之象具于渾然之中盤古出而天地萬物形矣是故即吾身而喻夢覺死生旦暮今古一也以是而觀則可以齊萬物一死生天地無窮物無窮而吾亦一無窮也

#### 太上章四

太上太古上古也太上無名其次有名其次名名老子曰太上下知有之其次親之譽之其次畏之侮之傳曰太上立德其次立功其

次立言粵自初天皇施及王伯無爲有爲揖  
遜征伐興亡理亂見於親譽畏侮之辭盡矣  
無乃道愈降而德愈衰乎

按諸象諱歷書云三皇九紀是爲九皇猶  
三代以來曰世曰代曰五龍紀二曰合

雄紀三曰叙命紀四曰連通紀五曰五姓

紀六曰脩蜚紀七曰因提紀八曰禪通紀

九曰流訖紀又按河圖代姓紀自合雄始

者七而五龍流訖不與焉謂太古生民之

始男女媾精以女生爲姓始三頭謂之合

○

○

雄紀生號三世合雄氏沒子孫相傳記其  
壽命是謂叙命紀通紀四姓生子二世男  
女衆多群居連通是謂連通紀生子一世  
通紀五姓是謂五姓紀天下群居以類相  
親男女衆多分爲九頭各有居方故號居  
方氏生子三十二世強弱相凌欲生吞害  
中有神人提挺而治故號提挺氏生子三  
十五世通紀七十二姓故號通姓氏諸家  
紀說頗有異同然無傳人無傳政非無傳  
人傳政也典籍未生獨何傳乎故以今邈

古有不可以意求以古沿今有不可以不  
紀姑兩存之若夫天之星斗文章鬼神之  
雷霆號令有不待人文之出而後明然粲  
然赫然乎仰觀俯察之間而則象之治蓋  
本乎此

初三皇氏

五龍紀一五龍五姓也玉皇通一曆作勾龍  
紀

初天皇氏

日甲一  
星巳一百六

月卯四  
辰子一千二百六十二

天皇十

二頭

頭目十二人見  
皇甫謐三五歷

元氣肇始有神人號天

○

○

皇氏為物初生民之主立極定位而神化無

窮焉

徐整三五曆紀

物初生民與動物同出一氣分

形未清故有蛇身人首者有人身牛首者如天之二十八宿地之十二宮神皆以禽獸之名而名蓋禽獸與人同稟天星地靈而生故

後九

十

稱人曰保靈焉則知天皇氏之民無思無為

若嬰兒之未孩吮元飲和抱道自然老子曰

含德之厚比於赤子毒蟲不螫猛獸不撻攫

鳥不搏是時人壽千餘歲子孫相承歷十五

運合五千四百年初天皇氏沒初地皇氏作

當元經會之五

元經會之五

合雄紀二合雄三姓春秋緯作合雄紀初置

天地經作合雄紀通鑑外紀作攝提紀

初地皇氏日甲一月辰于二千四百四十二地皇氏

十一頭十一人也繼初天皇氏而王德合自然功

贊天地定星辰分晝夜調陰陽制寒暑四時

順序人民毓萬木折萬草萌鱗介羽毛飛潛

動植各正生成則知地皇氏之民若嬰兒之

既孩餐霞茹芝無飢飽勞役老子曰載營魄

○

抱一能無離乎專氣致柔能如嬰兒乎是時  
人上壽猶千歲子孫相承歷平會五千四百  
年初地皇氏沒初人皇氏作

叙命紀三叙命四姓天地經作厚今紀通一  
歷作玄命紀外紀作合維紀

初人皇氏

白 號九  
甲 一  
辰 十一  
五月

人皇九

頭

九人  
也

當是時也生類日衆如孩已童天性

既鑿人欲漸萌披木葉藉草萊食果飲水長  
幼羣居無爪牙之利以禦猛獸無官民之分  
以制剛競強食弱肉民不堪處即山川土地

之勢財度九州九頭各居其一而為之長人  
皇居中以制八輔謂之九頭紀老子曰執大  
象天下往往而不害安平泰子孫相承歷五  
千四百年初人皇氏沒中天皇氏出當元經  
會之六

按初天皇氏繼盤古以長天下合初地皇  
氏初人皇氏共治一會有半凡一萬六千  
四百年通前五會積五萬四千年天初三  
皇世代宜有短長不應俱得五千四百年  
之整然以皇極推之雖日有盈縮而月之

日不出三十月有小大而歲之月不出十  
二歲月日時小年也元會運世大年也則  
知物初生民元氣渾然無營無欲相忘冥  
芒之中世壽綿邈物無害者故老子曰聖  
人處無爲之事行不言之教萬物作而不  
辭生而不有爲而不恃愚嘗歎曰後世有  
三皇之上宇而三皇無後世之人民爲之  
長者能便是民爲三皇之民以廣處三皇  
之地則老子作書本旨不爲徒言矣

中三皇氏

元經會之六

連通紀四連通六姓一作連遠紀

中天皇氏

日甲  
星甲二百五十一

月己  
辰子千八百一

中天皇號

泰皇氏繼初人皇氏而王入六會之初當時  
之民如童初冠生實不足以濟飢餒取動物

之可食者而飽其腹恬淡自安他無營爭雖

故九

十二

有君長之而民安其故伯陽父曰太古二皇  
得道之君立乎中央神與化行以撫四方是  
故能天運地帶而輪轉無廢水流不止而與  
萬物相終始世代相承歷五千四百年中天

皇氏沒中地皇氏出

五姓紀五河圖云通紀五姓

中地皇氏

日甲一  
星己二百六六

月  
辰子一千九百八十二

己六中地皇

號有巢氏繼泰皇氏而王當是時也山無蹊  
隧澤無舟梁萬物羣生連屬其鄉禽獸成羣

草木遂長人民野處不勝虎狼蛇豕之毒有

巢氏教民構木為巢以避羣害冬則處穴夏

則居巢寒暑有備禽蟲不傷然後民安其所

天下九頭咸歸而尊事之子孫相承歷五運

凡一千八百年中地皇氏沒中人皇氏出

脩蜚紀六脩蜚九姓河圖作居方氏外紀作  
循蜚紀

中人皇氏

日甲一  
星甲一百七十一

月巳六  
辰子二千四十一

中人皇號

燧人氏繼有巢氏而王人民巢居穴處飲血  
茹毛傷害腹胃漸致天喪有燧人氏始教民

卷九

十三

鑽木取火炮生為孰避腥去臭養人利性遂  
天之道故號燧人氏天下之民飽其孰味含  
哺鼓腹其行墳墳其視顛顛陰陽和順鬼神  
不擾四時得節萬物不傷羣生不夭老子曰  
以道蒞天下者其鬼不神非其鬼不神其神

不傷人非其神不傷人聖人亦不傷人夫兩不相傷故德交歸焉世代相承歷一千三百一十年而後天皇氏作

按中三皇之世民俗真淳凡爲君人之長不有制作大功民無稱焉故有巢氏以構巢得號燧人氏以鑽火得號即其功德而民稱之厥後子孫因以命氏故伏羲之諸侯猶有有巢氏者存而後又爲相代之君一號大巢氏非一有巢可知矣

三五後三皇逮五帝也老子曰上德不德是以有德下德不失德是以無德上德無爲而無以爲下德爲之而有以爲傳曰太上立德是其上德之謂乎上德次道故曰太上立德是兼三五而言也莊子曰古之人在混芒之中

與一世而澹漠焉此之謂至一當是時也莫之爲而常自然逮德下衰及燧人伏羲始爲天下是故順而不一德又下衰及神農黃帝始爲天下是故安而不順德又下衰及唐虞始爲天下興治化之流渙淳散樸古道變矣

莊子當時必得尚闕古史故序羣后世次頗  
同諸說中三皇共八千五百一十年通前合  
六萬二千五百一十年而後天皇伏羲氏作  
後三皇氏

因提紀七河圖作提挺氏

後天皇氏

日甲一  
星丁一百七十四

月巳六

十後天皇號

伏羲氏風姓歲起攝提始甲寅以木德王都

太昊之墟教民伏犧因以為號治金成器示

民炮食一號庖犧仰觀俯察近取遠求畫八

卦造書契作甲歷結繩而為網罟以畋以漁

而聖職教化之道興當時人民羣處網常未  
立伏羲德合上下法兩儀以正君臣父子夫  
婦之義於是人倫乃正繼天而王爲百王先  
尊之曰天皇太昊在位一百一十六年傳女  
媧至無懷通十五代歷一千三百單七年而  
後地皇神農氏作

按共工氏伏羲之諸侯也其後祝融氏生  
神農是謂炎帝後至堯時復有共工云者  
蓋子孫相仍爲官爲氏爾

○ 禪通紀八禪通七十二姓河圖作通姓紀

○

○

後地皇氏

日甲一  
星辛百七十八

月巳

六

後地皇

號神農氏姜姓起辛丑以火德王都魯當時

人民啖茹生疾陰陽相寇神農嘗百草制百

藥以療之教民耒耜之利以播種百穀民乃

粒食日中為市有無相通使民宜之諸侯夙

故九

十五

沙氏叛不用命箕文諫而殺之神農脩德夙

沙之民自攻其君而歸其地南通交趾北接

幽都西距三危東連腸谷在位一百四十年

傳臨魁至榆罔八世歷五百二十六年而後

人皇氏作

流訖紀一作疏佗紀小司馬三皇紀云流訖紀當黃帝時置九紀之間

後人皇氏

日甲一  
星書七十九

辰甲二千百四十五

月巳六

後人皇

號軒轅氏公孫姓長於姬水改姬姓起庚子以土德王都軒轅之丘因號焉承榆罔之衰

蚩尤不用命戰于涿鹿戮于中冀於是以雲紀官舉風后力牧太山稽常先大鴻得六相而天地治神明至次而太常奢龍祝融大封后土倉頡之倫職之以事始作宮室舟車臼杵弧矢棺槨鑄鐘鼎服牛乘馬以利天下命

倉頡制字而衣冠文物禮樂法度興焉遂使

羲和占日常儀占月車區占星氣大撓作甲

子

一云伏羲命大撓作甲曆豈世襲其官云

伶倫造律呂隸首作

算數容成總斯六術成陰陽律曆之書書野  
分州經土設井人民不爭百官無私市不預

賈相讓以財四夷賓貢諸侯咸歸是為黃帝

聞廣成子居空同之山往拜問道在位一百

年跨鼎湖登雲天而仙黃帝之子二十五宗

得姓者十四人別為十二姓姬酉祁己滕箴

任苟僖佶偃依正妃嫫祖生二子曰玄囂是

為青陽曰昌意是為若水侯

按史曆諸書稱皇者九以九紀考之則初中後各為三皇也天職生覆地職形載聖職教化故聖人為生民立極為天下後世開物成務而已曾何有心於名號哉伏羲

姓九

十六

氏傳女媧氏大庭氏栢黃氏中央氏栗陸氏驪連氏赫胥氏尊盧氏混沌氏皞英氏有巢氏朱襄氏葛天氏陰康氏無懷氏通十有五氏驗之伏羲冊辭大庭無懷一十氏皆伏羲分治之臣豈一人之身前為伏

義之臣而後為相代之君乎當是各氏子  
孫相承耳如女媧氏為伏羲后有補天之  
功伏羲在位百有餘年而沒乃又曰女媧  
相繼為君在位一百一十三年意必相繼  
為君者女媧氏之後乎若無懷氏亦然神  
農氏傳帝臨魁帝承帝明帝直帝釐帝哀  
帝榆岡八世以即位甲子配合計之軒轅  
氏合伏羲神農通治一千九百三十三年  
而九紀終焉又按漢舊儀云祭三皇五帝  
九皇六十四氏凡八十一姓皆古帝王也

○ 故鄭司農釋周官以三皇五帝九皇六十  
四氏爲四類氏又按丹臺記云皇次四世  
蜀山倭傀六世渾敦七世東序七世皇覃  
七世啓統三世吉夷四世几渠一世稀韋  
四世大巢二世遂皇四世庸成八世凡六  
十有八世是爲因提之紀倉頡後九一世栢皇十七  
二十世中央四世大庭五世栗陸五世麗  
連十一世軒轅三世赫胥一世葛天四世  
宗盧五世祝融二世昊英九世有巢七世  
朱襄三世陰康二世無懷六世凡八十有

八世是為禪通之紀又有鉅靈氏句疆氏  
譙明氏涿光氏次民氏總曰循蜚紀有號  
而無世自是而上亦惟有九皇氏地皇氏  
天皇氏又上古乃有盤古氏基之又按呂  
梁碑載古封禪七十二家而夷吾所識者  
十有二他書所載古氏號尤多漫不可考  
今撫九紀九皇之為叙固不敢失於恍惚  
亦不敢墮於脫畧老子曰能知古始是謂

### 道紀

少昊氏

日甲十一  
星癸二百八十

月己

六軒轅子曰  
辰子二千四百十九

青陽己姓繼黃帝而王起己卯辰之六年受命

之日鳳凰至遂以鳥紀官以金德王都曲阜

號金天氏順時迎氣昭配神明以能修太昊

之法尊為少昊晚衰九黎亂德民神雜揉不

可方物失民作享家為巫史丞烝嘗無度神狎

于民嘉生不降無物以享禍災荐臻在位八

十四年乃授命于顓頊子二曰重曰蟜極

顓頊日甲一月己六軒轅孫昌意

子姬姓十歲佐少昊十二而冠二十而代有

位起壬寅辰之卯九年以水德王都衛因名帝丘

後徙高陽號高陽氏養材以任地載時以象  
天乃命南正重司天以屬神火正黎司地以  
屬民使復舊章無相侵瀆作曆以寅為正是  
歲正旦立春五星會營室其統四廣同神農  
之地其法婦人路行不避男子者拂之四達  
之衢命飛龍效八風之音作承雲之樂以祭  
上帝在位七十八年子窮蟬

帝嚳

日甲一  
星癸一百八十

月己  
辰己二千一百五十四

六  
少昊孫螭極

子年十五佐顓頊治十有五年代有天下起

己未

辰之己二  
十六年

以木德王都亳號高辛氏命

黑咸爲聲歌九招九列六英倕作鼗鼓鐘磬  
吹箏管塤篪今鳳鳥天翟舞之以康帝德順  
天恤民身脩而天下服于四曰棄曰梁曰摯  
曰堯少昊之前天下之號象其德百官之號  
象其徵顓頊以來天下之號因其地百官之  
號因其事譽極也能窮極道德序三辰以固  
民故號帝嚳在位四十六年帝摯代位起己  
未荒淫無度不脩善政在位九年而廢通五  
十五年

帝堯

日甲  
星癸一百八

月己  
辰未二千一百五十六

帝嚳子伊祁

姓名放勛初封唐侯年十六帝執手廢衆推唐  
侯陟天子位起甲辰辰之末十一年以火德王都平  
陽號唐氏乘摯裘廢之餘民食惟艱乃脩德  
尚儉土堦三尺茅茨不翦采椽不斷宮垣不  
望窪樽杯飲示民素樸一民飢則曰我飢之

北九

十九

也一民寒則曰我寒之也一民有罪則曰我  
陷之也百姓戴之如日月親之如父母命義  
和欽若昊天歷象日月星辰敬授人時春三  
日有六旬有六日以閏月定四時成歲歲曰  
載建寅月爲正分命羲仲羲叔和仲和叔牧

四岳允釐百工庶績咸熙然數當六會之末  
水不潤下當堯六十一載甲辰洪水方割命  
鯀治水九載績用弗成咨四岳曰朕在位七  
十載將異位岳曰有鯀在下曰虞舜遂釐降  
二女嬪于虞徵試三載曰咨爾舜天之曆數  
在爾躬允執其中乃讓位于舜堯在位七十  
載舜癸丑徵庸歷試三載一在七十載之中丙辰受  
命于文祖居攝二十有八載癸未堯乃殂落  
壽一百一十六歲

帝舜

日甲一  
星癸二百八十

月己

長成二千一百五十九

顓頊之子窮

蟬（五代孫生于姚墟姚姓名重華起癸未以土德王初在隱微曰虞氏陶于河濱畊于歷山漁于滌納堯降二女以妻之歷試諸難三載考績乃命以位在璇璣玉衡以齊七政肆類于上帝也禋于六宗四時星辰水旱也望于

山川也禘于羣神祀典不載皆禘及之輯五瑞覲四

岳羣牧班瑞于羣后巡四岳肇十有二州封

十有二山去四凶咨四岳咨十有二牧伯禹

作司空平水土稷播時百穀契作司徒臯陶

作士垂共工共體百工之名也益作虞掌草木鳥獸伯夷

典三禮

祀天神祭地祇享人鬼序祭祀崇之禮也

夔典樂教胄子

龍作納言

通上下之言以止譏說珍行

禹垂益伯夷夔龍

六人新命有職四岳十二牧凡二十有二人

舜將讓位曰來禹天之歷數在汝躬汝終陟

元后舜生三十徵庸三十試三載

亦在徵庸攝政

全九

二十

二十有八載居喪三年丙戌格于文祖遷蒲

坂在位三十有三載丁巳命禹攝政十有七

載陸方乃死

除微庸以在位合禹攝共五十載

壽一百一十

歲

右少昊至舜凡六帝執子廢附高辛後不在

五帝列通三百五十年自太易初元以來  
積六萬四千七百九十三年禹丁巳受命  
又七年而前六會終焉老子曰失道而後  
德失德而後仁言皇道不足降而為帝德  
帝德不足降而為王之仁義也堯舜禹授  
受當天地交會一元中分先儒謂經世書  
以皇與帝為先天六會王與伯為後天六  
會然則數終六會洪水降災使非有如堯  
舜禹者出則民其魚鼈矣故天下譽之愚  
嘗謂少昊顓頊帝學帝摯帝堯是為五帝

禹首三王舜則居堯之下禹之上太史氏  
以帝執商道舜有大德故黜桀而升舜可  
不監哉及觀皇極經世圖於元之初起日  
甲一月子一星甲一辰子一其後以元經  
會以會經運以運經世逝逝相仍加積一  
數至六會當經月之巳六經星之癸一百  
八十經辰之子二千一百四十九而始布  
甲子十六年己卯而少昊受命歷顓頊高  
辛逮經辰之末二千一百五十六當甲午  
世又十一年甲辰而堯受命自此以往方

後九

二十一

通書甲子以紀年紀事豈大撓之作始此  
歟

王伯章六

三王夏商周也五伯齊楚秦晉宋也禹八年  
甲子一元中分起七會之初後堯舜而先湯  
武功亦大矣老子曰上仁爲之而無以爲上  
義爲之而有以爲上禮爲之而莫之應則攘  
臂而仍之又曰失德而後仁失仁而後義失  
義而後禮傳曰其次立功其次立言如禹之  
治水行其無事功及萬世非立功乎其後降

而為伯又降而禮樂征伐自大夫出則其失  
仁失義而禮之薄可見矣故孟子亦曰堯舜  
性之湯武身之五霸假之也邵氏曰白七會  
入陰長之期而無陽升之會雖然陰陽迭運  
消長有時而道德功力獨不可以迭見乎

夏禹

日甲一  
星癸一百六

月

巳

六

似姓名文命顓

頊孫鯀之子也丙辰舜薦禹于天命之位丁  
巳居攝七年之後當元經會之七

元經會之七

禹八年

日甲一  
星甲一百六十一

月

午

七

居攝十七

年癸酉舜陟方乃死禹正王位以金德王建

寅為正都平陽禹初襲父崇伯之爵故稱伯

禹作司空平水土書曰禹乘四載水乘舟陸乘車泥乘

楸山隨山刊木決九川距四海濬畎澮距川

任土作貢娶于塗山生子啓八年于外三過

後九

二十二

其門而不入惟荒度土功弼成五服至于五

千每州五百里五成二千五百里州十有二

師每州方三千里是九州之內外薄四海

要荒各一千里實九咸建五長每服各

迪有功脩六府則三壤成賦中邦禹受命之

初惟時有苗弗率乃會羣后誓于師曰濟濟有衆咸聽朕命蠢茲有苗昏迷不恭侮慢自賢反道敗德君子在野小人在位民棄不保天降之咎肆予以爾衆士奉辭罰罪爾尚一乃心力其克有勲三旬苗民逆命益贊于禹班師振旅舞干羽而苗民格老子曰用兵有言吾不敢爲主而爲客不敢進寸而退尺如禹之用兵者可謂王者之師也然不有禹誓於前則亦何有湯誓泰誓於後豈始作俑者其無後乎此又可爲先人者之戒禹任臯陶。

伯益以贊其治興六師以征不庭四極莫敢  
不服東漸于海西被于流沙朔南暨聲教訖  
于四海居攝十七年踐位十年通二十七年  
癸未東巡至會稽朋壽一百歲傳子啓夏一  
十七王合四百五十八年桀放而夏亡

商湯

日月甲一  
星乙二百八十二

月

午

七

二十三

子姓名履字

天乙禹司徒契十四代孫為諸侯十有七年  
放桀踐王位起乙未卯二辰以水德王建丑  
為正都亳是謂成湯自契至於成湯八遷湯  
始居亳得伊尹于莘野以葛伯不祀湯征諸

侯自葛始桀昏德民墜塗炭湯薦伊尹于夏  
五就桀而不能用既醜有夏復歸于亳湯乏  
職貢桀興問罪之師九夷師不至伊尹曰可  
矣於是相湯伐桀誓于衆戰于鳴條放桀南  
巢而天下歸湯湯有慚德故盤銘曰德日新

日日新又日新在位一十三年壽一百歲追

盤庚二十一年庚申老子乘日精降亳託孕

於尹氏之玄妙五女武丁二十四年庚辰二

月十五日生于李下因指李爲姓帝辛紂淫

酒暴虐比干以諫死微子囚箕子奴逢蒙誅

○

西伯戡黎祖伊恐作戡黎紂乃曰我生不有  
命在天昏弗聽諫周武王伐之兵敗走鹿臺  
衣其寶玉赴火而死老子曰太上下知有之  
其次親之譽之其次畏之侮之噫桀固不道  
矣成湯放之紂固不道矣武王伐之可不謂  
畏之者乎商三千王六百四十四年商亡歸

周

周武王

日甲一  
星丁二百八十四

月

午  
辰子二千二百九十七

七

姬姓名發

堯農師后稷棄之後文王昌之子也昌事紂

與九侯鄂侯同為三公昌被誣囚羑里七年

後獻地得賜弓矢斧鉞因公季得專征伐為  
西伯紂二十四年文王沒又九年武王以太  
公望為師周公旦為輔韋殷受命還豐踐天  
子位南面朝諸侯大誥天下起己卯辰之年  
以木德王月建子為正乃反商政釋箕子囚

廿九

二十四

封比干墓式商容間散鹿臺之財發鉅橋之  
粟太賚四海萬姓悅服列爵惟五分土惟三  
建官惟賢位事惟能重民五教惟食喪祭敦  
信明義崇德報功垂拱而天下治竊嘗歎曰  
唐有四凶誅四凶者舜虞有三苗征三苗者

禹夏之湯和自葛商之西作桀纣凡古之得  
天下者揖遜征伐鮮不先有其勢天乎人乎  
勢使之然乎武王在位六年壽九十三歲後  
一百二十一年昭王南巡不返又一百七年  
夷王下堂見諸侯又五十三年厲王奔彘周  
召二伯行政一十四年號共和厲王死于彘  
二伯立太子靜為宣王仲山甫尹吉甫方叔  
通周召為五伯輔宣王大修文武之功又五  
十七年幽王為申侯所殺而平王東遷于洛  
邑號曰東周錫晉文侯秦襄公命又六十四

年桓王以蔡衛陳之師伐鄭鄭為左右拒射  
王中肩又四十年惠王錫齊桓公命為伯又  
三十年襄王廢狄后狄師攻周王出奔鄭鄭  
居王于汜叔帶代立明年王告急于晉晉文  
公納王于周而誅叔帶使王子虎賜晉文公

廿九

二十五

土地而稱伯至此齊晉秦楚宋五伯日益強  
盛而王室寢衰又三十一年楚王伐陸渾觀  
兵于周遣使問鼎而侮之之風至此甚矣又  
五十五年靈王庚戌孔子生又七十八年孝  
王崩

孝與考諸  
本互差

太子午嗣位是謂威烈王南

惠公封其少子鞏稱東周君一云孝王復號  
西周封其弟桓公于河南七年東周立周分  
為又五十八年顯王甲寅趙韓分周為二年七  
辛酉東周傑立又三十一年乙酉孟軻為魏卿又二  
十九年赧王甲寅東西二周君相攻又五十  
一年赧王乙巳會齊韓趙魏兵攻秦不利西

奔秦盡獻其邑還周而卒周三十六王八百  
六十七年而西周滅又六年東周惠君會諸  
侯攻秦不利沒于秦盡入其地

右三王通一千九百六十九年而桓文伯  
於一千五百餘年之後以三代考之則湯

武已由伯而王是不待桓文出而後伯也  
況夏伯昆吾商伯大彭豕韋亦已見於二  
代襄王後去昆吾大彭豕韋入秦宋楚爲  
周五伯也前六會六萬四千八百年除開  
物前及盤古通四會四萬三千二百年初

天皇氏出人極始立由初天皇至大禹七  
年通二會凡二萬一千六百年之間少昊  
而下稱帝者五通十有一世又三分世之  
二則是稱皇者二萬一千二百五十年稱  
帝者纔及三百五十年何帝運之促而皇

運之長耶非也神農已稱炎帝其後帝臨  
魁八世俱以帝稱軒轅亦稱帝考此則是  
後三皇而下稱皇稱帝互見疊出已參錯  
于一千九百三十三年之中矣三王自夏  
丁巳始凡一千四百五十四年至平王東  
遷政由方伯然則五伯之興孽于昭王漸  
于夷王形于平王成于釐惠之世而周拱  
虛器矣迹此而論豈非皇有可親帝有可  
譽王有可畏伯有可侮乎按皇帝帝王伯者  
四而禹即位之八年當一元中分之時上

而曰皇曰帝下曰王曰伯以後六會言之  
閉物前四會有半王伯中分而王二會有  
奇凡二萬四百三十五年三王纔及一千  
九百六十九年而伯已參錯於其間其伯  
豈其伯哉蓋有王之皇王之帝王之王王  
之伯者存焉而又有王之皇之皇王之皇  
之帝王之王之伯者存如春行夏令秋行  
冬令四時之氣有時而遷不可以一法言  
也易曰知變化之道者其知神之所爲乎  
○愚前之所謂理氣象數之四端者有是理

則有是氣有是象則有是象有是象則有  
是數矣一元十二會配一歲十二月一會  
三十運配一月三十日一運十二世配一  
日十二時一世三十年配一時三十分是  
故一世三十年得一十二萬九千六百時  
值九  
一運十二世得一十二萬九千六百日一  
二十七  
會三十運得一十二萬九千六百月一元  
十二會得一十二萬九千六百年此其畧  
也姑述一二非曰能之願學焉抑謂邵子  
之為書其言道德功力以明皇帝王伯其

義則吾竊取之矣若夫觀物之爲言卦氣  
者律之爲占自有皇極經世書在

玄經原旨發揮卷上

玄經原旨發揮卷下

第十

教門後學當塗杜道堅註

降生章七

老子曰吾不知誰之子象帝之先按紀傳老子大道之祖氣象帝之先天也故曰先天而生生而無形後天而存存而無體惟無形體故無定名惟無定名故隱顯莫測殆亦混沌氏之謂乎其在天也曰虛皇天尊無極大道君天皇曜魄寶高上老子天皇大帝九天上皇洞真帝一君太清天尊太上玄元老君金

○闕後聖君九老仙都君太上丈人靜老天君  
真元教主金闕帝君其降世也則曰通玄天  
師盤古先生有古大先生玄中大法師鬱華  
子廣壽子大成子廣成子隨應子赤精子錄  
圖子務成子尹壽子真行子錫則子老子所

第十

一

謂為萬象主為帝者師應號不一者乎至曰  
玄元皇帝大道玄元皇帝太上混元天皇大  
帝高上大道金闕玄元天皇大帝太上老君  
混元上德皇帝乃歷代冊封之號也所謂隱  
於太無形於太初遊於太虛生天生地神鬼

神帝未有天地自古以固存者其老君之謂乎愚老子徒也庸得引而申之

老子按本紀李姓名耳字伯陽謚曰聃毫苦

縣瀨亦作鄉曲仁里尹氏女感日精而孕降

生於商武丁二十四年庚辰二月十有五日

商以丑正為歲首二月建寅即今正月上元

節也生而能言指李為姓因其皓首故號老

子誕世楨祥備載紀傳今亳之太清宮九龍

井白鹿捨聖迹猶存帝辛二十一年丁卯辟

地以山周西伯召拜守藏史武王遷柱下史

成王時仍柱史之職昭王初去官歸亳二十  
六年癸丑度函谷關授關令尹喜道德二篇  
於終南山之草樓遂出大散關期喜會成都  
青羊肆與喜西遊值穆王西狩還周景慕玄  
風上終南修草樓改號樓觀命幽人尹軌杜  
沖主祠事稱道士者七人焉老子尋東還遇  
樓觀授尹軌杜沖宋倫道德紫虛陽光經籙  
幽王召拜太史三年辛酉告王三川震周將  
亡遂隱去平王三十四年癸卯復出大散關  
久之還中夏敬王拜藏室史十八年孔子偕

南宮敬叔至周問禮夷烈王二年過秦秦獻  
公授館致禮問以歷數赧王九年老子遊女  
几地肺天柱從是復出散關涉流沙西昇崑  
崙居商一百七十四年居周八百二十二年  
周遊天下輔世匡時閱世九百九十六年然  
則後之人以商周觀老子者不知有太上之  
老子以人間世觀老子者又何知有先天之  
老子乎故經曰獨立而不改周行而不殆曰  
執古之道以御今之有其亦夫子自道者歟  
若夫秦漢而下至于唐宋應身降現神化無

方衆人固不識也自有本紀實錄在

### 授經章八

關尹子姓尹名喜仕周昭王爲大夫善天文  
預占東南真氣狀若龍蛇而西是月融風三  
扇天理西行知有聖人度關乞出爲函谷關

世十

三

今昭王癸丑五月壬午紫氣浮空有老人駕  
青牛白舂車諸子駭乘徐甲爲御將度關喜  
迎拜下風則老子也喜曰大道將隱強爲我  
著書遂館終南草樓師事之明年甲寅授道  
德五千餘言包絡天地玄同造化君臣民物

罔不賅備尊道德小仁義所以尊皇帝小王  
伯大抵以明天道明人道正君心正民心其  
曰以正治國以竒用兵曰偏將軍居左上將  
軍居右凡數章頗類褒貶五伯之風學者疑  
昭王時伯業未著或指授經爲敬王時殊不  
知夏商之衰昆吾大彭豕韋已自稱伯觀昭  
王江上不返固不待齊楚秦晉之出而伯者  
之風亦已見矣此老聖著道德所以兼功力  
而言也按乾象河鼓三星主天子三軍中星  
大將軍左星左將軍右星右將軍夏官上大

司馬王五軍大國三軍已載之周禮及考穆  
王內傳言王西還上終南修草樓則知授經  
爲昭王時明矣關尹亦自著書九篇名關尹  
子自時其徒晉公孫辛鉞吳越春秋  
鉞作研字計然  
學於老子敬王二年壬午南遊楚平王禮聘

問道旣而適越范蠡師之授蠡書十二篇名  
文子有平王問道章句踐位以大夫越伐吳  
蠡諫曰兵凶器戰逆德陰謀逆德好用凶器  
上帝禁之行將不利引文子語也句踐不聽  
敗於夫椒囚石室賂太宰誣得歸嘗膽圖報

吳既沼計然曰句踐長頸鳥喙可與共患難  
不可與共安樂蠡用其策從五湖遊計然亦  
佯狂遜封禺之地嘗登山壽隱今吳興計善  
山是也列禦寇居鄭圃四十年人無識者安  
王四年著書八篇明老子之道莊周字子休  
號南華子顯王三十年楚聘為相不就隱濠  
上漆園著書五十三篇名莊子今存三十三  
篇若夫庚桑楚南榮越崔瞿栢矩士成綺尹  
文子之徒皆當時師事老子傳其道各有著  
述載在典籍然老子遊歷商周亦既久矣其

親見猶龍如孔子者可無若人自司馬遷以  
老韓同傳而老氏之門人失紀遂使孔老通  
家之學後世無傳焉惜哉

西遊章九

老聖晚涉流沙西昇崑崙還紫微上宮示有  
終也終則有始如四時之代行故曰功成名  
遂身退天之道曰功成不居其名不去曰不  
失其所者久死而不亡者壽是故聖人觀天  
之道執天之行出處進退與造物者相爲無  
窮也崑崙居地之西北高萬餘里廣稱之上

參碧落浮黎在焉故羲皇之艮文王之乾俱  
位西北夫地有崑崙猶人之有元首天高西  
北天門在焉絕頂九峯上應九天乃上帝遊  
宴羣旨昇陟之所瓊林玉樹琪花瑤草七寶  
窰林天風披拂琳琅振響自然宮商蓋渾玉  
境界也按崑崙山者天之中嶽也在北海之  
間上當天心形如偃蓋上廣下狹疊為三層  
上與天齊日月黃赤二道交會其上三光行  
焉東曰崑崙西曰玄圃北曰閼苑南連積石  
山岍水泉北戶諸山上有瓊華之闕光碧之

堂理池翠水王母衆仙居焉海中四嶽爲之  
枝幹十洲三島入海大川圍繞其側絕頂之  
上有金臺五所玉樓十二金城千里地生金  
根之樹瓊柯之林紫雀翠鸞碧桃白李百寶  
妙巖即黃帝天君舍樞紐鎮此山與五嶽名  
山相通常有神仙往來考校生籍上主填星  
之精居於中元一氣天中焉夫海外之五嶽  
即天地之五鎮造化之五嶽即五氣之宗祖  
也愚謂老聖之升崑崙殆復歸於無極歟崑  
崙乃元氣之所舍天帝君之所治凡古之人

王世主將相大臣之有大功大德與夫高人善士之有玄功妙行者皆得昇焉豈違天之道迷天之行者所能企及哉抑聞仙者遷也學道之士如漢之三茅君張輔漢晉之許旌陽葛仙公輩是皆功滿道備初則遷於名山次則遷於十洲三島至若遷崑崙而爲上界仙官者不但可與老子爲徒是可與天爲徒也

按淮南子曰禹掘崑崙墟以下地中有層城九重其高萬一千里上有禾木其脩五

尋珠樹玉樹璇樹不死樹在其西沙棠琅玕在其東絳樹在其南碧樹理樹在其北旁有四百四十門門間四里里間九純旁有九井井玉橫其西北之隅北門開以內不周之風傾宮旋室縣圃涼風樊桐在崑崙閭闔之中是其䟽圃䟽圃之池浸之黃水黃水三周復其原是謂丹水飲之不死河水出崑崙東北陬貫渤海入禹所導積石山赤水出其東南陬西南注南海丹澤之東赤水之東弱水出自窮石至于合黎

位十

六

餘波入于流沙南至南海洋水出其西北  
阪入于南海羽民之南凡四水者帝之神  
泉以和百藥以潤萬物崑崙之丘或上倍  
之是謂涼風之山登之不死或上倍之是  
謂玄圃登之乃靈能使風雨或上倍之乃  
維上天登之乃神是謂太帝之居

原題章十

道德經乃闢今尹喜紀老聖之言老聖之言  
紀無始有始開天立極之道太古上古皇道  
帝德之風下至王之功伯之力見之五千餘

文囊括天人之道上下幾千百代歷歷可推  
言聖人者三十有二而不名殆一無名古史  
也可以龜鑑萬世可以網維人極可以優入  
聖域老聖撫古史以著道德孔聖撫魯史以  
作春秋一也然不以史名而名道德者是系  
三五而爲之題第十蓋周官外史掌四方之志三  
皇五帝之書三墳既軼五典不完尚幸世有  
此經古道不墜原老聖之意諄諄以皇道帝  
德爲當世告者正以王伯雜出功力相尚慮  
其所終而民莫措故欲挽破碎於渾全回瀆

滿於淳樸縱不能使是民爲九皇之民獨不  
得少窺唐虞雍熙之化乎嗚呼聖人天也天  
此心聖人此心天此道聖人此道天不自爲  
而命之聖人天可無爲也聖人不自爲而命  
之賢人聖人可無爲也賢人不可不爲聖人  
無爲乎上賢人有爲乎下君臣之道濟矣故  
曰爲無爲又曰無爲而無不爲者君臣有分  
職所在也民有恒心業所在也太古玄風天  
下一道義皇盛世四海一德此無爲之爲猶  
其大有爲於天下者也言則無爲有爲旨則

人心天理一皆財成贊化之道若夫稱聖人而不名者非太古無名氏之君則義軒堯舜之君歟尊古聖人所以尊時君世主壽斯道所以壽斯世也

章句章十一

道德章句者河上公所著也漢文帝尚清靜命朝臣講習老子時未有章句者出辭玄文遽多所不解聞陝河之上有老人明老子在駕問焉授帝素書老子一編甄別其旨析爲八十一章章著二字以訓一章之義曰體道

曰養身曰安民之類是也自章句著而注者  
出焉然道與世降時有不同注者多隨代所  
尚各自其成心而師之故漢人注者爲漢老  
子晉人注者爲晉老子唐人宋人注者爲唐  
老子宋老子言清虛無爲者有之言吐納導

後十

八

引者有之言性命禍福兵刑權術者有之紛  
紛說鈴家自爲法曾不知道德本旨內聖外  
王之爲要由是不能相發而返以相戾惜哉  
蓋自關子文子親見猶龍而其所自著書頗  
已睽其師之旨列莊二賢先後不數代其言

清虛玄遠則又過其師之說殆近天而不人  
況孫吳假之爲兵法申韓詭之爲刑名是又  
人而不天矣宜乎千載之下未有攸證若夫  
蓋公曹參清靜寧壹以開漢室隆平之治是  
善用老子之道者也抑觀河上公著分章之  
題其義虛玄實同經旨而題之之義注者未  
有所述故稽治道者闕焉此原旨所由作也  
今不書章題而書經曰者尊經也若其義則  
演諸原旨中遂併章題爲一篇以舉云

體道 養身 安民 無源 虛用

成象	無用	歸根	虛心	重德	偃武	微明	同異	儉欲	養德
韜光	檢欲	淳風	益謙	巧用	聖德	為政	道化	鑒遠	歸元
易性	厭恥	俗薄	虛無	反樸	辯德	論德	徧用	忘知	益證
運夷	贊玄	還淳	苦思	無為	任成	法本	立戒	任德	修觀
能為	顯德	異俗	象元	儉武	仁德	去用	洪德	貴生	玄符

戒強	天道	任信	任契	獨立
知病	愛已	任為	制惑	貪損
後已	三寶	配天	玄用	知難
謙德	為道	恩始	守微	淳德
玄德	淳風	順化	守道	居位

顯質

纂玄章十二

纂玄者五千言之樞要也老子曰言有宗事  
 有君蓋謂我之所言皆有所宗本見諸古聖  
 人之立言行事甚易知易行何天下之莫能

知莫能行哉仲尼祖述堯舜憲章文武同出  
而異名既見而問禮矣又退而竊比焉善述  
而信古必有見於當日今原旨之作既已章  
著其義乃復句別其綱以纂玄言覽者或因  
類以證句因句以證章因章以證義庶乎玄  
聖立言之旨可白於天下後世言治道者豈  
容忽諸

### 道

可道道可常道非常久道長生久法道天法  
○聞道上士聞道明道明道若昧夷道夷道若進道進道

若退不如見道不窺爛為道為道聖道聖人

坐進此道見天道為道日損聖道之

為而尊道是以萬物莫不天道功成名遂身

不爭尊道而貴德天道退天之道天

之道不爭而善勝天道無親常與善人

之道利而不害天之道損有餘而補不足人

道人之道則不然損古道執古之道古之善

者何道貴道見有道故有道者不處天下有

有餘奉天下大道其可左右大道甚夷而民

好徑使我介然行道見不道非道非道

失道後德道紀是謂道紀道華前識者道

始道與物之與道尊道之道道法自然道常常

無名道常無道生道生之一

為而無不為道生之

德

廣德廣德若不足建德建德若偷積德早服謂之有德

有德無德司契無德孔德孔德貴德萬物莫不尊

玄德長而不宰是謂玄德常德常德不離復

德不忒復歸於無極上德上德不德上德無

若下德下德不失德下德不德上德不德是

同德德者同於德同於德真修之身其德餘

德修之家其德長修之鄉其德豐修之國其德

普修之天下德厚合德德善不善者吾亦德

信不信者吾亦德畜德畜德貴德之

○ 信信之德信 德畜德畜 德貴德之 ○

先天

先天有物混成無極復歸於虛極致虛極古

極是謂配天無始無名天古始能知古始有

始為天下有始以無象無物有象恍惚分大

象大象無形執象先象帝同玄同謂又玄之玄

又窈冥精窈分冥分恍惚物恍惚分天地

根是謂天衆妙門衆妙玄牝門玄牝萬物宗

淵兮似萬物之宗

天地

天地無名天地之間其猶橐籥乎玄牝之門是

謂天地根天長地久孰為此者天地有一物以  
成先天地生天地相合以降甘露天得一以  
清地得一以寧

### 萬物

萬物有名萬物之母萬物作而不辭淵兮似  
作吾以觀其復萬物將自賓萬物恃之以生  
而不辭愛養萬物而不為主萬物將自化萬

物得一以生天下萬物生於有三生萬物萬  
物負陰而抱陽萬物莫不尊道而貴德萬物  
草木之生無物復歸於有物混成奇物滋起  
也柔脆老衆甫以其名不去

### 天下

天下皆知美之為美斯惡已貴以身為  
天下若可寄天下愛以身為天下若可



國家民多利器國家昏亂有忠臣有國有國之母

國隣國相望治國愛民治國若烹小鮮以正治國

之賊不以知大國大國者下流則取小國大

治國不過欲小國小國小國以下大國則取小國大

兼富人修國德乃豐其修家德乃餘其修鄉其德乃

長觀鄉以舞觀國以國觀家以家

太上

太上知有上下

聖人

聖人是以聖人處無為之事是以聖人之治

○

以聖人為腹不為目是以聖人抱一為天下  
式是以聖人去甚去奢去泰是以聖人終不為  
大是以聖人皆孩之故聖人云我無為而民自  
天是以聖人方而不割聖人亦不傷人是  
化是以猶難之聖人無為故無財是以聖人欲  
聖人欲是以聖人欲上人以其言下之是以聖  
不處上而以聖人自重是以聖人被錫懷玉聖  
不病是以聖人自知不自見是以聖人為而  
於人聖人不積聖人之道為而不爭

### 君臣

天子故立天子王大亦王天乃天王  
天子置三公天子王大亦王天乃天王  
天下人主不以道佐人主者萬乘主之  
王天下人主不以道佐人主者萬乘主之  
身輕社稷主是謂社器長不敢為天下先  
天下社稷主是謂社器長不敢為天下先  
官

長聖人用之配天是謂配天王公惟孤寡不

以則為官長乃三公置三公侯王侯王若能以

稱為天下貞侯王無以正而為王故能為君有言

貴高侯王自謂孤寡不穀為王百谷王君有

宗事有君臣國家昏亂有忠臣輕則失

蹠則失君臣臣僕雖小天下不敢臣

善士古之善為士者微妙上士上士聞道中

士中士聞道下士下士聞道君子是日行君子

離韜重是以君子居則貴左大丈夫是以處

其厚不

處其薄

### 士君子

### 父子

教父吾將以六親六親不和孝慈純仁素義

國母有國之母天下母天下有始以萬物母

有名萬食母而貴求母子既得其母子母既

其子復嬰兒專氣致柔能如嬰兒乎常得

守其母未孩見孩之聖人皆赤子比於赤子子

孫子孫祭雌雄知其雌雄牝牡合而後作

### 師學

師資不資其師人師善人之師大匠夫代大

為學為學為文以為文學不學學之所復象

絕學絕學楷式是謂玄德

主賓

主不為主而為客萬物歸焉而賓自賓

客不為客樂與

人民

善人道者為物之真善人之實不善人之所

保不善人見異人於我獨異愚人心也哉衆

人衆人皆有以復衆人之所過俗人俗人察察

救人故無棄人棄人見治人莫若奇殺人

夫樂殺人多悲哀泣之知人者智勝人勝

力者有示人固之利器不用人者為下為人既

○ 為人已與人既以與人使民不尚賢使民不  
 愈有與己愈多使民乎不貴難得之  
 貨使民不為盜不見可欲使民心不亂常使  
 民無知無欲若使民常畏死而為奇者使民  
 重死而不遠徙使愛民能無為乎明民非以  
 民復結繩而用之  
 將以百姓皆曰我自然百姓皆注其耳目不  
 愚之百姓皆曰我自然百姓皆注其耳目不  
 責人契而不聖人執左  
 故十於人

軍旅

將軍 偏將軍處左大軍必有凶年佳兵夫佳  
 不祥敵兵仍無敵甲兵雖有甲兵無所用  
 之器奇用兵用兵有言抗兵抗兵相加兵強  
 兵不取為主而為容抗兵抗兵相加兵強  
 兵強則師處荆棘生焉田獵人心發狂  
 不勝則師處荆棘生焉田獵人心發狂

盜賊

盜賊

絕巧素利盜賊無有  
法今緹彰盜賊多有  
智賊國之賊因盜

誇

財貨有餘  
是謂盜誇

鬼神

鬼神

以道落天下  
者其鬼不神  
神聖非其神不傷人  
神靈聖人亦不傷人

神得一以靈  
無以靈將恐敬

身體

虛心

虛其常心  
聖人無為心  
以百姓心  
為心  
虛其常心  
聖人無為心  
以百姓心  
為心  
虛其常心  
聖人無為心  
以百姓心  
為心

為天下

民心使民心  
不亂  
心氣  
弱志  
其

有志

強行者  
強骨  
骨弱  
筋柔

○

○

見有力勝人者用力是謂用力身先後其身身

存外其身存身殃無遺身退功成名遂有身吾有大患

為吾無身及吾無身終身塞其兌閉其門終

有身終身修身修之身其貴身貴以愛身愛

身不敝終身修身德乃真貴身貴以愛身愛

天下為患身若身歿身道乃久傷手夫代

新希有不攘臂攘臂攘無臂則攘實腹實其為腹

為目不為目見目盲五色令人目盲耳聾五音令人口

爽五味今口味道之出口淡峻作未之牝牡

至也精之精至見足下始於足下性命

谷神谷神不死沖氣沖氣為和專氣專氣致柔精真

其中其中有精復命靜曰復命營魄載營魄抱一

光明用其光復光耀光而不耀守中守中不如握固握固弱

握固握固而抱一抱一為天下式下式混一而為一

### 生死

生死死地柔弱者生之徒堅強者死之徒

有生於無道先生地生生生以其自然

攝生攝生者求生以其上求相生有無之長

生深根固抵長生久視之道厭生所生

無生夫唯無以生為貴貴生上見不死是谷神不死

○ 無生者賢於貴生上見不死是谷神不死○ 北

無死死以其無重死使民重死或存或湛兮似若  
存若綿綿不亡死而不壽壽壽上見

### 沖玄

道沖道沖而用若沖大盈若沖和沖氣以  
知和知和光玄同和其光同其玄通

微妙玄通玄德長而不宰是謂玄德玄覽除  
深不可識玄德常知楷式是謂玄德玄覽除  
無疵乎觀妙觀其妙要妙是謂要妙敦樸敦樸  
敦兮其素樸見素復樸自樸我自樸而  
若樸下不敢臣無名樸無名之樸亦將不

清靜

清靜清靜為天下正以清天得一以清徐清孰能而徐清虛

靜致虛極好靜我好靜而常靜牝常以靜復

歸根曰靜以靜下將自正天自然以希言自然

靜曰復命以靜下將自正天自然以希言自然

五常

故十

十六

仁義大道廢有仁義絕善仁與善不仁不天

以萬物為易狗聖人上仁而無以為失仁失

而後上義而有義為之失義後禮而禮上禮為上禮

之應喪禮勝言以喪禮處之戰聖知民利百信

有知使行於大然有知慧知慧出知多治民之歎  
 知忠信夫禮者忠信之有信其中善信言善  
 多知薄而亂之首  
 德信信者吾信之不信寡信輕諾者不信  
 足有不信不信  
 美言不信

言行

言宗言有宗吾言吾言甚易行希言希言自然善言善言無事有君  
 瑕請無費言猶分其建言故建言信言信言不美  
 正言正言多言多言數窮虛言古之所謂虛  
 言美言美言不信信言不不言聖人不言不言  
 教無為之盜知者不言言者尊行尊行以加人贅  
 不知天之道不言而苦應

行餘食行難得之貨妨今人行妨

### 政教

政治政善聖治是以聖難治民之難治以其

難治以行教行不言治亂治之於法令法今

其知多行教之教治亂未亂法令法今

故十

十七

### 功名

有功不自伐無功自伐者功成功成不居是

事遂百姓皆謂我自然功成而不名遂見名

身親身可名可常名異名同出而

強名強為之無名道常無名無有名有名為

母

道隱  
有名

### 富貴

**富貴**

富貴而驕

**知富**

知足

**自富**

我無事而

**貴**

**賤**

不可得而貴

**貴身**

貴大患若身貴

**我貴**

我知

者希則

**自貴**

自愛不

**貴言**

猶今其

**不貴**

不貴難得

**古貴**

古之所以貴  
此道者何

### 賢愚

**尚賢**

不尚賢使

**見賢**

功成不處其

**愚始**

前識

之華而

**以愚**

非以明之

**愚心**

我愚人之

### 善惡

善惡善之與惡相去何若善應天道不言善勝善勝者不爭

善謀善謀然而善建善建者善抱善抱者善下善下

江海所以為百谷王者以其善下之善言善言無善行善行無

善計善計不善閉善閉無開善結善結無

不可不可上善上善若水善地居善善利永善利萬善

淵心善善仁與善善能事善善時動善知善

天下皆知常善是以聖人不善人之不善吉

凶凶事尚右作凶不知常利害不可得而利

勇於敢則殺勇於不敢禍福禍福禍所伏親

譽其次親畏侮其次畏悲哀殺人多大笑

下士聞道大笑之 **大怨** 和 **大怨必**

### 愛欲

**愛身** 愛以身 **自愛** 自愛不 **甚愛** 甚愛必 **天惡**

天之所惡 **人惡** 人之所惡 惟 **物惡** 物或惡之

**無欲** 常無欲可 **寡欲** 見素抱朴 **不欲** 不欲是以

聖人欲不欲 **所欲** 兩者各得 **欲得** 於欲得 **得**

**失** 得者同於得失者同於 **不失** 不失其所欲

不 **成敗** 常於幾成 **敗失** 為者欲之缺者失

故無執 **無敗** 則無敗事 **損益** 或損之而損益

**損** 見上為學日 **寵辱** 若驚 **榮辱** 守其辱 **不辱**

知足若辱大白知止知止知足知足者當知  
不辱若辱不知足禍莫大於補不足天之道損  
不辱知足不知足不知足補不足有餘而補  
不辱知足不知足不知足補不足有餘而補  
不辱知足不知足不知足補不足有餘而補  
不辱知足不知足不知足補不足有餘而補  
不辱知足不知足不知足補不足有餘而補  
不辱知足不知足不知足補不足有餘而補  
不辱知足不知足不知足補不足有餘而補  
不辱知足不知足不知足補不足有餘而補

### 剛柔

剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫  
剛強柔勝剛弱勝強柔弱見上天下柔弱莫

柔弱柔弱堅強其死也堅強取強取強勿  
者生之徒其死也堅強堅強其死也堅強取強取強勿  
大強大處上下強梁強梁者不取強取強勿  
強果而致柔弱用弱用於伐於伐  
自伐故有功自矜者不長自伐  
者無功果而勿矜果而勿伐

### 爭戰

○

不爭

夫惟不爭故無尤夫惟不爭故天下莫能與之爭以其不爭故天下莫能與之

爭天之道不爭而善勝是謂不爭之德善戰

善勝敵者不爭水善利萬物而不爭善戰

善戰者輕敵禍莫大於輕敵戰勝以喪

不怒者輕敵幾喪吾寶戰勝禮處之夫

慈以戰善勝善勝敵者不爭勇敢於不敢則活勇殺

則勝以戰善勝善勝敵者不爭勇敢於不敢則活勇殺

活上大威

民不畏威司殺者殺

數十

十九

### 無為

無為

道常無為而無不為上德無為而無以

為上仁為之而無以為吾是以知無為以

之有益無為之益天下希及之損之又損以

至於無為為無為無為而無不為愛民治國

能無為乎人能無以生為者

### 有為

有為下德為之而有以為強為故強為不為之容  
愛養萬物而不為主其物歸焉而不為主  
敢為天下先不敢為主而為客不為而歲天  
下神不可為也使民不為使民不為也

為之

為之將欲取天下而為之為器樸散則為長上禮為之而莫之應

則為官長為父吾將以為為主不敢為主為客而為

為士者不武為道古之善為文以為文為一不足為文

故復混為式抱一為為和沖氣以為貴故為

貴為基高以下為稱而王公為美天下皆知美

為善天下皆知為利有之以為用無之以為

善之為善善之為善

奇正復為妖善復為敗賊者為谿下為為谷天

為天  
下谷

### 天文

天長地天天清以天天大域中沖氣大有

為沖氣以甘露天地飄風飄風驟雨驟雨

不終冰釋  
將冰

### 地理

地久地天地寧地得地大地天地善地居

谿谷為天江海與江百谷以江

王百谷曠谷曠兮涉川冬涉善淵心善魚

淵魚不可若水上善壘土九層之田蕪甚  
蕪道徑大道甚夷千里千里之行域大有域中  
大

### 時令

善時時善春臺如登若冬豫兮凶年大軍

必有終朝飄風不終日驟雨不終日終日益益  
凶年終朝終朝終日驟雨不終日益益  
為學日損日損日久日久陰陽抱陽寒寒

熱勝熱

### 草木

草木萬物草木之生也抱木合抱之木共共

木<sup>○</sup>則共<sup>○</sup>強荆棘生焉根抵<sup>○</sup>固抵歸根<sup>○</sup>夫物共<sup>○</sup>根輕<sup>○</sup>  
根<sup>○</sup>重為<sup>○</sup>根

### 宮室

九層臺<sup>○</sup>起於壘土<sup>○</sup>朝甚除<sup>○</sup>倉虛<sup>○</sup>見戶

牖<sup>○</sup>鑿戶牖<sup>○</sup>鑿室<sup>○</sup>見塞<sup>○</sup>允<sup>○</sup>閉門<sup>○</sup>塞其允

開<sup>○</sup>允<sup>○</sup>出戶<sup>○</sup>窺<sup>○</sup>牖<sup>○</sup>方隅

無<sup>○</sup>隅<sup>○</sup>安居<sup>○</sup>樂其居<sup>○</sup>狹居<sup>○</sup>所<sup>○</sup>狹其

關鍵<sup>○</sup>善<sup>○</sup>開<sup>○</sup>無<sup>○</sup>關<sup>○</sup>鏡<sup>○</sup>春臺<sup>○</sup>四隣<sup>○</sup>榮

觀<sup>○</sup>燕<sup>○</sup>處<sup>○</sup>超<sup>○</sup>然<sup>○</sup>妙<sup>○</sup>門<sup>○</sup>有<sup>○</sup>室<sup>○</sup>玄<sup>○</sup>門<sup>○</sup>北

天門<sup>○</sup>開<sup>○</sup>閨<sup>○</sup>

器用

樸器樸器散則神器天下神器大器大器成利器

國之利器不可以示人兵器夫佳兵者埏埴使

民多利器國家滋昏為器器有器之用非君子之什伯器有使

而不用之器橐籥猶橐籥乎其芻狗芻狗以百

姓為金玉金玉滿堂車用當其無有如玉欲不

如玉懷王輻轂三十輻拱壁雖有拱壁

無與數與舟輿雖有舟輿輜重君子終日行

匠斲是謂代左契聖人執左契司契契有德司

微籌策善計不利劔帶利張弓天之道其天

網天網恢恢結繩使民復結約善結者無  
解可踈而不失結繩繩而用之約繩約而不

### 服飾

服采服采美服甘其食被褐被褐

### 食貨

飲食飲餘食甘食甘其食食稅以其上

多樂餌樂與餌財貨財貨貴貨不貴難得之貨

今人行妨欲不欲  
不貴難得之貨

### 禽蟲

兕角兕無所虎爪虎無所馬雖有拱壁走

馬御走馬戎馬戎馬生毒蟲毒蟲猛獸猛獸

搜鳥搜鳥太牢如享太牢淵魚淵於魚小鮮小鮮

治大國若烹小鮮

### 疊字

繩繩繩繩芸芸夫物芸芸熙熙熙熙乘乘乘乘

乘乘乘乘若若沌沌沌沌昭昭昭昭察察察察

俗人俗人悶悶悶悶淳淳淳淳碌碌碌碌

如玉如玉落落落落缺缺缺缺

## 玄經原旨發揮卷下

玄經原旨發揮序

上古之初人人老子家家道德言之不可聞  
安有五千言以爲之經大樸既散元經會之  
七有聖人跨歷商周笑視爭奪遐想庸成大  
庭之不可復於是出五千言以陳古義以正

校十

二十二

人心青牛去遠微言轉堙五千演爲數十萬  
言將以發道德之所未盡使博大真人與上  
三皇同時必不著書使後世盡漢文盡蓋公  
則原旨之書亦不出於今之河上此書自先  
天而來十有二章別自爲書開闢古今經緯

理數得函關之的意集玄學之大成讀之者  
軒軒乎見鴻濛泠泠然適建德身世自遠內  
外俱忘亦猶淵明之羲皇上禪宗之威音前  
周茂叔之太極本無極雖然運有汗隆而古  
今無二道術有分裂而宇宙無兩身安知老  
子之非先生又安知先生之非我異時白石  
洞天水光山色之中從杖屨而稽首三問者  
必屬之我矣廬山道士黃石翁敬書

生民果有初乎夫開物成務十三卦之外無  
餘聞而雲火水龍鳥師之紀郊子之學為有

徵是故莊周之論容成而下凡十二氏夫豈  
寓言黃帝以前封泰山者七十二又豈臆說  
與蓋五太肇而化育參九紀終而甲歷作推  
之而可求其故邈之而可見其倪者易老而  
外惟皇極一書而已然嘗論之元會運世大  
年也歲月日時小年也皇帝王伯之所由分  
開物閉物之所由遂其可究者日甲月巳星  
癸爲少昊之世而甲子紀年日甲月午星甲  
爲夏禹之日而王道始著然則六萬四千八  
百有一年以往之故斷自堯甲辰而上豈無

可載之事特簡策散落舉之而無其徵此堯  
夫所由畧也南谷杜尊師道際兩朝學探古  
始嘗以謂一身之八卦爲盤古開天之徵一  
日之旦夜爲開物閉物之辨故撫諸古史歷  
書所稱九紀參之老子微意迄禹二會半以  
前逆推而分初中後三皇氏以系人極旣立  
之事由是而求之則於皇極一書爲有原始  
之補而其意則尊皇道尚帝德而已也題其  
書曰原旨發揮分爲十二章上六章至周而  
終下六章述老子本末大抵發明老子身爲

藏史凡三皇五帝之書無不目見所著五千  
言辭玄旨邃隱然無名古史故取之以補邵  
子之所不陳殆人間宜有書也尊師老子徒  
也謂言涉天人不可也然使爲國家者得其  
言而用之則君俞於上臣敏於下斯民固玄  
穆之化或者老子意乎於是乎叙大德十年  
冬十有二月望弟子句章任士林書于錢塘  
自然道士之齋